



Sabtu, 03 Pebruari 2024

Ogen: Mikha 6: 9-16



Ikernepen Ras Iradasken Tuhan



Pernah nge kita merawa? Tentu pernah. Adi ngidah kalak merawa pe pernah nge kita kerina. Rawa banci erbahan si merawa lanai sadar i bas situasina janah si irawai pe banci mbiar. Merawa pasti lit alasenna, labo terjeng merawa saja. Bage me bangsa Dibata, si nembeh ate Dibata, merawa seh maka ikerneppen ras iradaskenNa ateNa bangsa e. Ituriken Mikha si erbahan merawa ate Dibata bangsana e me:

- Pulung ia i rumah kalak jahat rikut ras erta si idatna alu dalam la bujur
- I bas kerina pertimbangenna enggo ipakena sibar-sibar palsu
- Kalak bayak nindih kalak musil janah ia jadi perguak ras penipu

Luar biasa cara Dibata ngeradasken bangsa enda, e me: aminna pe ia man lanai besar sabap melihe denga ia lalap. Kerina barang ras ertana la terkelinisa si isimpanna pe ikerneppen Dibata i bas perang. Merdang pe ia labo ia mperanisa rikut buah saitun si iperehna tapi la terpake. Anggur si ibahanna pe labo ia nginemsa. La saja seh i je, ibaba Dibata ia kempak kebenen, megombang kalak man bana, bangsa-bangsa mecekurak man bana. Bagenda me cara Dibata ngukum bangsa enda.

Kai si isehken Mikha enda tahu-tuhu ncidahken seh kepe belinna rawa Dibata man kalak si nimbak ia, si la patuh man baNa. Tentuna pengalamen bangsa enda jadi pelajaran rikut pengalamen kiniteken man banta. Mbelin tahu keleng ate Dibata man banta tapi luar biasa ka caraNa erbahan kita gelah jera. Mikha selaku nabi pe tentu mberat akapna nuriken pernembekh ate Dibata e. Amin enggo pe isehken mesera kepe erbahan bangsa enda jera.

Mari silahi pernembekh ate Dibata alu nggeluh bujur